

「國家社會科學基金重大項目」

何建明 主編

中國地方志
佛道教文獻匯纂

人物卷

(79)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

人物卷

（79）



國家圖書館出版社

中國地方志佛道教文獻匯纂·人物卷
江西省 吉安市

廬陵志

宋·周必大纂

據劉緯毅等輯《宋遼金元方志輯佚》排印

廬陵志（宋）周必大纂

周必大（一一二六——一二〇四），吉州廬陵（今江西吉安市）人。字子充，又字弘道。紹興二十四年（一一五四）進士，累官左丞相，封益國公，卒謚文忠。有《周益國文忠公全集》。《紀勝》卷三一《吉州·碑記》：『《廬陵志》，周必大編集。』廬陵縣，始置於西漢，歷代沿用不改，民國三年（一九一四）改吉安縣，即今吉安市。

仙釋

（圓淨大師）大師姓曾，永和鎮人。師得法於雲居融照禪師。祥符二年召至闕下，天子賜之師號并詩，以寵其行。（《紀勝》卷三一《吉州·仙釋》）

中國地方志佛道教文獻匯纂·人物卷

江西省 吉安市

廬陵縣志

清·濮應台 陸在新修 彭殿元等纂

清乾隆間增刻康熙二十八年（一六八九）本

仙釋

隆慶閔禪師黃龍南嫡嗣也廬陵太守張公鑒請居
隆慶法席最盛元豐四年三月七日告衆入滅說偈
畢入浴浴出以巾搭膝而化神色不變爲著衣手足
柔順髮剃復生太守來觀仍復平視闔維日雲起風
作煙氣所至東西南北四十里艸木沙礫之間皆得
舍利如金色計其所獲幾數斛後蘇子由爲作記而
疑其事方臥病有訶者曰閔禪師事何疑哉疑卽病
矣子由記末云稽首三界尊閔師不止此憫世狹劣

故聊示其小者子由其知言哉

西峰雲谿禪師邑之曾氏子得法於清涼宋真宗遣使
召至訪問宗要畱上苑經時冥坐不食上嘉異賜號
圓淨舜歸以詩寵其行改寶龍曰祥符旌師之居也
巖巖尊者雲谿高弟一日舜太渡懷仁江有蛟每爲行
人害公爲說偈誡之而蛟輒太過黃楊峽渴欲飲會
溪涸公以杖撻之而得水武平南黃石巖多蛇虎公
住止而蛇虎皆可使令四遠聞之大驚爭敬事之遊
南康盤古山先是西竺波利尊者經始識曰卻後當

有白衣菩薩來與此山公住三年乃還江南眠槎爲
行舟礙公舟過焉摩挲之曰公公莫爲人害槎一夕
蕩除之有僧自惠州來曰河源有巨舟着沙萬牛挽
不可動願得以載輓建塔於南海爲衆生福田公曰
此陰府之物狀付汝偈取之僧領偈倡之而舟爲動
至五羊有巨商從借以載僧許之方解繹俄風作失
舟所在卒謚定光圓應禪師相傳師說法時感天雨
花天華山以是得名今永和市中本覺寺前有古佛
母墓

龍禪師住能仁時齋廚每有二童子來索食輒與之
一日師出執爨者怒弗予逐之二童子躍入井井水
沸溢衆懼亟報師師歸覆木盤井上趺坐而化水息
乃知二童子爲龍也肉身尚在丙戌間遭兵火寺僧
乃以肉身入塔焉有侍郎王贊碑記

三刀法師本姓曹出家吉州龍興寺常以竹筒盛金剛
經誦之時安史亂吉州刺史劉寧選法師充行營
小將不從劉怒命斬之三刀乃折劉怪問之時曰金
剛經力耳視其竹筒有刀痕者三劉大異之得終爲

僧

蕭靈護字天祐本邑人自少好道能振人之急過遊嶽麓遇鄧真人授以火鼎黃白之術遂精內學唐高宗弘道二年中秋忽語其徒曰吾將徃矣是夕尸解

徐子奇永和人元季求官仕京邸畱三年不遂有道士黃巾謂子奇曰子相毋有貴朕有仙骨吾有淨明法授汝汝歸子奇拜受之歿之日子奇更衣沐浴端坐而逝兩玉筯垂至膝

真火符不知何許人元初遊永和市時年九十餘雙瞳

炯炯夜能細書每夜必潔室以水沃地方布蓆散髮
偃臥於其上明旦地猶溼惟臥處乾耳竟不知所終
也

止觀禪師能仁寺僧也一日有僧來問曰聞師以紙爲
罐狀乎曰狀曰漏了何如曰涓滴不漏曰打破了何
如師曰若教打破徧滿虛空僧作禮而還

箕衣仙者嘗衣箕衣不知其人初詣玄妙觀已而來遊
青華觀道士張天全內之一日呼天全與俱行天全
不欲遂辭天全歎曰此人爲青面老子所誤青面老子

謂辛天君也有人自嶺南來寄書天全乃與天全別
日同也

無學和尚者觀音巖海文上人也俗姓陳九江郡人其
祖舉乙酉鄉試其弟乳初亦登辛卯榜萬曆己酉遊
吉安往錫西峰鄒公南臯王大行性海皆敬重之佳
青原註楞伽叅考晉唐宋三譯疏以己意題曰接響
殺青竟人獲之如拱璧性嗜酒醉輒嫚罵人人爭避
匿不知者皆目師爲狂憨山清手共疏讚曰楞伽會
上一位散聖也師於祖道蓋遇賢禪師之流狀護戒

廣德縣志

謹嚴細行內秘混迹流俗以此利生闍維日收舍利
投於江一夕風雷大作沙石涌積墳起其處至今稱
爲無學洲云

楊仙師不知何許人吳孫權時至郡自謂關西伯起之
後適歲大旱於城東植竹爲壇禱雨輒應遂隱于古
之東山道來蛻化石上有跡後于五岡峰飛昇至今
有廟祀之

王子瑤字大臯華州華陰縣人王喬之裔慕神仙之術
晉永嘉中自玉笥過廬陵南遇江水漲泛舟以竹航

之今大舉渡是也

元種大師西城人唐貞觀中東遊至龍泉居水定院有
兩琉璃瓶盛辟支佛五舍利及貝葉梵書金剛經
置於院

吳真人名自宣唐垂拱三年由婺州來結菴于廬陵大
平鄉礪岡山卽今之雲華山初是山無水吳至有自
龜負泉山延載元年二月丹成上昇餘丹瘞於桐木
下有紫雲數重覆幕之事聞敕改太平爲雲蓋鄉礪
岡山爲吳仙觀今隸樂安縣

曾志靜邑人自少不御酒肉端毅寡言太爲道士忽遇異人授以道術自是杜門辟穀十餘年異人來視曰未也別去又數年至曰可矣宋至和二年春告其徒曰吾九月將爲衡山之遊至期端坐而逝旣葬有自衡山來者持其書與徒勉勵其學道始知已仙太

古度禪師名超方城南大街人初補邑庠生有文譽遇國難兩服毒不灰夜夢金甲神人示之曰天下事可爲者豈獨在忠孝哉無生法可學也乃投寶華忍和尚受具華授以竹篋子語疑情益發偶遇道人爭道

忽狀大悟忍卒乃入青原參眉菴相見契合畱首衆
三年而嗣法焉住資福院學徒口衆一日以字投資
國請闍維偈未至師自說偈而逝年四十一茶毗之
日四衆雲集首忽自舉兩目復張觀者驚異塔于資
福山之上

戴洪崖大樸人生而神異與大學士陳莊靜同里初莊
靜諸生時六月赴郡試謂洪崖曰酷日爍人奈何洪
崖曰先生行矣俄有片雲如帷起大樸橋上覆公輿
自家達郡五十里無復日炤今戴家柱聯有拓基不

廬陽縣志

遠將軍地團雲曾益宰相輿之句將軍謂羅將軍也
與戴比里其教最顯於襄湖間後自襄湖歸諸士大
夫有送洪崖真人歸豫章詩文家對一山當大樑橋
水中有方坵遠望如印名曰玉印浮波羅相爲之記